


Totimi “Kutau” Lakhi



Akumzapu Kuchouqo
Kiphi Kichekutsu

22



Kulakupu shikemi kumtsuno pulukibe eno pukhukibe qhipuacheni.

Nonguno Khristo sasu kuthsumike akeu ghi titoi Pa shou eno Pa tsa shou pulukibe eno pukhukibe qhipuacheni. Piyekusu kaku lo tungkuputsa lono kulaliu kuchou Khristo nipu ghili pipuani, ikemu tile totimi kutau lakhi khiuno timiqo pishiqhipe Alhou tsa launo iqevepenikeu kumla shichekeu ani. Tiye totimi kutau lakhi, khiu vilo Babylon ipi kuchekeu huke. Ikemu Babylon hu ikiqivae, timiqoye li zukusu launo pojoluve maye puhaveni cheni. Atsape hipauno kungumi kuthu tsape gholo akiniu ashi ani. Hileno aghungu lo Babylon ipi akeu ghili kimichitsu ani. Pishikiqhi hipau launo noye kishi pojolumayesa keno ithulunani. Hiye ighono akhotoke kumokeshea?

1

Piyekusu kaku lo Jisu ye kishi Babylon ghili pipuani kea?

“Azu kutomo shou iqa akeu tuqhaliu akijeu shou kughathabenikeu ghili lno opiyesuni ... Eno lno totimi lakhi huchuikau tughashi shou iqa akeu, piputhakeu jeh no chhitoi

yehpukupu akeu ithulu, tughashi hipau ye akutsu tsuni pu ani, eno tipaqo shou akibo chighi shopu ani. Totimi tipau ye hughaikau eno huchuikau phi pepu ani, eno shuna pesu mlakeu, eno akughupu tuqo pesu mlakeu chi, eno achiku pesu mlakeu nhemughaqo pepu ani, eno li w lo shuna jikhu lakhi aphukumqhupu eno kuchhubekupu li salha no chhitoi akeu pe ani; eno li kishelo ajeh lakhi tuqhous ithikutho Babylon akijeu, tuqhalimiqo paza eno ayeghi lo aphukumqhupu ipi yehpu ani” (Piyekusu 17:1, 3-5).

Khokichile: Piyekusu 17:1-5 lo tuqhaliu no akuhupi eno hughaikau phimini pepu akeu ghili Jisu no hepho piyesutsu ani. Li ye huchuikau tighashi lakhi shou iqa ani. Tughashi tipau ye akutsu tsuni pu ani, eno tipaqo shou akibo chighi shopu ani, eno azu kutomo shou iqa ani.

2

Piyekusu 12 lo tsughukhui keu totimi ye kiu kiqitsu anikea?

Khokichile: Piyekusu 12:1-6 lono tsughukhui keu totimi lakhino khetsu nhe w akeu ghili pitsu ani. Ninguno akiphi kichekutsu 20 lono tsughukhui keu totimi pesu Alhou kukuhou kiqitsu keu ghili philuvea. Totimi hipauye li kimi Jisu shou pulukibe shi akeu ithulu ani. Itaghi ninguno **Piyekusu 12** lo ghili akiphi kichekutsu 23 loghi philuni aphi.





3

Baibel tungkuputsa lo tuqhalii pesu kiu kimighitsu anikea?

“Jerusalem pelo lino kuchhubekepu shi akeu ghili vethalupelo, ... nono olikhi ojukivi shou pukhubeve, eno kusalhami shiuveke” (Ezekel 16:2, 15).

Khokichile: Tsughukhui keu totimi ye tsughukhuikeu kukuhou Jisu shou pukhukibe eno pulukibe qhipuache keu toi tsughukhuimokeu momu mithemuzumokeu totimi pesu ikiqivekeu kukuhou, khiu Jisu shou pulubemove eno pukhubemovekeu kiqitsu ani (Jems 4:4).

4

Ningu ye Piyekusu 17 lo Babylon akijeu, tuqhalimiyo paza ipi akeu pesu tuqhalii (akukuhou) ipi kimichilu nanikeshea?

Khokichile: Iye. Hiye aqhano ithi akeuke. Tilehi akukuhou lakhi khikhi Roman Catholic kukuhou ipi akeu no panokutoshi pano ye mother church ke ipi pukha acheni. Tilehi Catholic lo Achinemi lakhi Johan A. O'Brien no, 'That Observance (Sunday-keeping) lono pikeuno tile mother church ani, ikemu Catholic kumomiqono hepho ipeveke' ipi.¹ Piyekusu 17 lo aza Babylon eno tughashi li no iqa akeu ye pope yehkipe momu pope wu hiyam shikuzu shi ani:

- A. Lino akimithemiyo shikighime (ajo 6) (Akiphi kichekutsu 15 eno 20 loghi julo)
- B. Li ye huchuikeu phi eno hughaikeu phimini pepu ani (ajo 4) Pope ye kukami phi huchuyikeu akhoto hohoqo lo pepu cheni Hughaikeu phimini ye Catholic Cardinals qono pepucheni.
- C. Tughashi hipau ye akibo tsuni pu ani (ajo 3). Li no iku iqa akeuye naghuto tsuni shou iqa ani (ajo 9). Pope yehkipe oking ye Rommi lo atoghi momu naghuto tsuni shou shipuku puani.
- D. Tughashi hipau ye piputhakeu kipimi pu ani (ajo 3). Hipau ghi pope yehkipe nguku kuzupu shi ani (akiphi kichekutsu 15 eno 20 lo julo).
- E. Li no ayeghi lo kukamiyo shou ayehpe (ajo 18). Alexander Flick no pikeuno tiqheli chighi akuthuu ghulokilo "at least in theory" – pope no ayeghiqha kuchopu shou ashii lo eno aghungu lo ayehkipeu shiche ipi² Akiqi hipau ye ayeghi lo akukaqha momu yehpeka khiu shoumu ngukubelupeku kuha. Piyekusu 17 ye pope yehkipe ghili kichetsukeke ipikeu kiumu lipi a kepu kuha.

Hi ithilo: Reformation (shikikithe) kumla lo sakiphemi kutomo (Huss, Wycliff, Luther, Calvin, Zwingli, Melanchthon, Cranmer, Tyndale, Latimer, Ridley eno kutami) qono kutsukeuno Pope no hitoi ayehpechekeu ghili pi³

¹ John A. O'Brien, *The Faith of Millions* (Huntington, IN: Our Sunday Visitor, Inc., 1974), 401.

² *The Rise of the Mediaeval Church* (New York: Burt Franklin, 1959), 575

³ George Eldon Ladd, *The Blessed Hope* (Grand Rapids, MI: William B. Eerdmans Publishing Co., 1956), 32–34.



5

“Babylon” ipi akeu kiqi atho eno tipau bolho ye kiu kea?

“Ningu aki lakhi ... akutsuqa no iku kungughaqo kutolo shikishe ikuni ... Eno Ampeu no pi, ... ningu iqieno panongu tsa kubanguvetsuni, tishieno panongu dolo lakhino lakhi tsa mthakilevepeni ... tihenguno ajeh tipau pesu Babel “kubanguvekeu” ipi kuvetsu, kughengu Ampeu no panongu dolo atsa kubanguvetsuke ghenguno”

(Bothubo 11:4, 6, 7, 9)

Khokichile: Atsa “Babel” eno Babylon ipikeu kiqiye “kubanguvekeu” (confusion). Babylon ipi ajeh kuphelukeu hipauye Babel lo aki shikishe ikukeu no abolho shieno ku ighike. Aki hipau shikeu ye azukucho kumsa ghenguno shi (ajo 4). Ikemu Ampeu no panongu tsa kututa shivetsukeu lono panongu dolo kubangu keu kije shiveno aki shi ikumlave, tileno panongu ki tipau pesu Babel momu (Babylon) kubanguvekeu ipi ajeh qhive. Athiu Puloshoqhi aqau ghulokilo tipau qha lo Kuchou Lhou ghili kumthami (pagans) miqono a-a tipau pesu Babylon ipi ku ighive. Panongu ye Kuchou Lhou timiqo ghumi shi ighive. Panonguye hekibidemi, agholumokemiqo, Alhou timiqo shikighime chekemiqo, aqhekuzamiqo, eno ajulho kumllamiqo ke

(Jeremiya 39:6, 7; 50:29, 31-34; 51:24, 34, 47; Daniel 3 eno 5). Isaya 14 lo pi akeuno, Alhou no Babylon pesu Satan kimighitsu, kughengu Babylon no Alhou hebide, Pa kumla shipusavetsu eno Pa wu timiqo kutsavetsuke ghenguno. Puloshoqhi akitheu lo Piyekusu kaku lo Babylon pesu Achine lo akukaqha khikhi Alhou wu aghungu lo Israel- Pa kukuho ghumi ipi kimighitsu- (Piyekusu 14:8; 16:19).

6

Piyekusu 17:5 lo aza Babylon ngaqo ye khiunoqo kea?

Khokichile: Protestant Reformation kije khikhi aza Babylon kichileu kukutsu qhiveno ipeghivekeu kukuhoqo no abolho shi ani. Ikemu athiuye panonguno akukuho kukhuayeh eno akumla hami lo aza kumla pape wuvekeu lono panongu kutoshi ikiqive. Totimi khiumu kusalhami momu tuqhalimi punuqhi chemo, momu Protestant nga akukuhoqo ye ikiqivekeu nga ipi punuqhi chemo. Ikemu akukuho momu aqoaho khipauno Babylon kichileu kukutsu eno li kumlaqo pape ghi mla eno kutsu anikeno tipau ye ikiqivekeu kukuho momu li nga lakhi shiveake. Tihenguno no Babylon ye abolomi lakhi jeh, eno abolomi tipau lo aza ani, angaqa ani. Titoi Catholic kukuho no panoye mother church ke ipi pukha acheni, tishi aye li gholono ikiqivekeu kukuhoqo ye li ngaqo ke.



7

Piyekusu 17 lo, kushiye aza Babylon ye tughashi shou iku iqa ipi eno tughashi ye khiukea?

Khokichile: Piyekusu 13:1-7 lono Jisu no hepho piyesutsu akeuno, pope yehkipe (papacy) no akukuhou ngo state kuma kuka pekuqhakeu kiqitsu ani. (akiphi kichekutsu 20 lo phijulo) **Piyekusu 17** lo Jisu no akukuhou pesu tuqhalimi (harlot) eno state yehpeka pesu tughashi (beast) ipi kiqitsu ani. Ayehkipe lakhu kututa, ikemu tikuma kuka pekuqhavekeu kiqitsu ani. Totimi no iku tughashi shou iqa akeu kiqiye akukuhou no state yehpeka qhasupe akeu kiqike.

8

Ashekha ghuloki lo shi ipeghinikeu (events) kikishekha lo kiu kukaqo no ilo pope yehkipe gholo kuqhava nanikea?

“Ino mithemokeu ghunguqo achui (frogs) toikeu kuthu dragon baxa lono, tughashi baxa lono, eno kichileu tungkupu baxa lono ipeghikeu ithulu, kughengu tipaqo ye Satan ghunguqo ke. Tipaqono amichipu kumla shi, eno ayeghi lo kukamiqo lau, eno ayeghiqha kuchopu lo wuno timiqo pekutsu sasu Akughushu Lhou Tsala akijeu ghushiqa lo ighi” (Piyekusu 16:13, 14).

Khokichile: Piyekusu 12:3, 4 lono dragon ipi, **Piyekusu 13:11-14** lono kichileu tungkupu ipi, eno **19:20** lono tughashi momu pope yehkipe (**Piyekusu 13:1-8**) sakuphumiyo ipi

- A. Piyekusu 12** lo dragon ipi akeu ye Satan, khiu Alhou kumthami pagan Rommi vechewono akumla shichekeu (Akiphi kichekutsu 20 lo julo) Ishi hi ashekha tsalaqo lo akukuhou no Khristomi kumokemi Islam toikeu, Buddhism, Shintoism, Hinduism, the New Age ipi akeu, Secular humanism ipi akeu eno kutami kutomo mithemokeu sasu kuthsukimekeu ani.
- B.** Kichileu tungkupu ipi akeuye alaizuvekeu Protestantism United States no akutsu shipuzu ayeghiqha kumtsu lo timiqo kumtsu vilo tughashi mlla lo ipinani (Akiphi kichekutsu 21 lo phijulo)
- C.** Hile tughashi ipi akeuye pope yehkipe ke (akiphi kichekutsu 20 lo julo)
- D.** Hi akuka kuthuqo ye Khristomi kumokeu chinehgo (religions) eno yehpeka (government), eno alaizuvekeu Protestantism eno Roman Catholicism hipaqa kuqhano Armageddon ghushiqa lo iloghinani- eno hino ashekha ghushi shinani. Panongu kumtsu kuqhano Alhou ghochilenani. Aghokulushi Pa zahkutsu pape chekemiqo ghochilenani. Pekuqhavekeu kuka hipau pesu Jisu no **Piyekusu 18:2** lo Babylon akijeu ipi ku ani.



9

Kishieno aqoaho (organization) kututa eno akumla kututa lo akeqono hitoi wo kuqhaluve kulupu kea?

“Hipaqono amulo lakhi shivenani, eno panongu kuka (power) eno panongu wu yehpekuka (authority) kumtsu pesu tughashi saphuvenani (Piyekusu 17:13).

Khokichile: Piyekusu 16:13, 14 lo pi akeuno, mithekumo ghungu achuiqo toikeu ye “Satan ghunguqo ke,” panonguno amichipu kumlaqo shikeu lono hipaqo kumtsu wo kuqhaluvenani. Spiritism - aghunguqo sasu kusutsakeu kupulu huno kithimiyo ghungu ye xu ani eno wo kuxumiyo sasu kusutsa ani ipikeu kupulu lono panongu kumtsu wo kuqhaluvenani. Satan eno pa ghinimiyoqono amikuchomi kungumiyo kimihi shi, alokemi thivekemi ju kimihi shi, eno aqau lo tungkupumiyo kimihi shieno ighinani, eno Khristo toi ighinani (2 Korinthiami 11:13, 14; Mathi 24:24) eno panongu ye kungugha lono ighi anikepi ayeghi lomiyu vilo pieno panongu pishiqhiluve acheni (akiphi kichekutsu 10 loghi julo). Hipano kuthu kujo kupulu lo kithimi ghungu ye xu anikepi pulu cheni:

- A. **Catholicism** ye Mary vilo eno akimithemi kutami thivekemiyo vilo inikhucheni, eno akimithemiyoqono pano papemiyo pelo amichipu kumlaqo shilukepu kumughatsu chenikepi pulu cheni.
- B. **Khristokumomi** chineh no kithimiyo ghungu mlla cheni. The New Age no kithimiyo ghungu sasu kusutsalukepu laghi shitsu acheni.
- C. **Apostate Protestantism**—Alaizuvekeu Protestantmiyo no puluchekeuno thivea ipikemi ye kuchouno thive chemo, ikemu puLukmino kungugha lo eno pulumokemino amiyizu lo acheni ipi pulu cheni. Tiye Satan no thivekemi kimihi shi ighieno panongu pishiqhikeu lono ke.



10

Alhou ye kiutoikeu xine pesu Babylon nguku kea?

“Babylon akijeu hu ikiqivea” (Piyekusu 18:2) ... eno tughamiyo kungo a lakhi shivea, kichileu ghunguqo kumtsu kughuki lakhi shivea ... nongu tumu (sorcery) lono shiyehqo kumtsu pishiqhivea” (Piyekusu 18:2, 23). Kuchhubekupu eno asalha ji (wine) li jikhu lo supuakeu hu pesu ayeghi lo kughuna kuamiyo kumtsu piyevea” (Piyekusu 17:2, 4; 18:3). “Ayeghi lo kukamiyo no li sasu salhavea” (Piyekusu 18:3).

Khokichile: Ikiqivea ipi akeuye Baibel lo Kuchou kukutsu launo eno Kuchou Lhou launo iqueuvekeu pi ani (2 Pitor 3:17, 18) Tighenguno Alhou no akiqi hipaqo lono Babylon shou akipimi be ani: (1) Aghunguqo sasu kusutsa chekeu (spiritualism) kupulu huno Satan gholo kuqhaluve puzu alhokusa ghunguqo kusasu ighivekeu ghenguno akipimi tsu ani. (2) Tughami ghunguqo sasu kusutsakeu vechewo akimiki lono ayeghiqha pishiqhive akeu, “Akimiki ye Baibel lo aphukumuhupu lakhi ke” (Aholetsa 12:22). Babylon ji (wine)



khikhi kichileu kukutsu huno timiqo shokumuzuve puzu timiqo qho shukughuzuvetsu acheni. Hipau launo kuchou momu suchouye khikhi akukuhou ipi anikeno tiye Khristo nipu kuchouke (**Piyekusu 19:7, 8**). Tighenguno akukuhou khikhi kuchouno Khristo nipu keno li ye Khristo gholu acheni. Hipau kiqi Jusu no pi akeuno "Panongu ye Pa zahkutsu pape acheni (**Johan 14:15**) Tighenguno, hile pi akeuno, pope yehkipe (papacy) huno li kimi Jisu ghokulu launo ikiqive (**Jems 4:4**) Li no ayeh lono kuhakeu civil government sasu kukusuuve, tiye akukuhou no state government sasu lakhi shi kuqhaluve. Akukuhou lo sakipheu pope no Achine kuka ngo state government kuka pekuqhaluve. Li kumla - tiye Achine kumla lo state govt. kukuphu peithauve. Kuchouno pinikeuye Babylon no timi phimpi eno timi kuxu pesu kilhishi cheke (**Piyekusu 18:11-13**). Titoi, Babylon no Alhou nuliqo pesu akughupu shitsumove puzu pesu kilhikishi lo peithavekeu kipimi li shou benani.



11

Babylon ji (wine) khikhi kichileu kukutsu ipi akeuye kiuno aghungu lo timiqo shokumuzuve aniepikaa?

Khokichile: Hile akumzakepu lakhi akeuye Protestantism kukutsu lo Baibel lo kuhakeu kutomo pesu kutsu acheni. Kichileu kukutsu tipaqoye Rommi lo mother church no pesu wo Protestant kukuhouqo lo sutsukeuke. Akukutsu tipaqo ye Rommi kukuhou no Alhou kumthami paganism launo napesu ighieno peitha achenike. Kichileu kukutsu hami kichetsu ani:

- A. Alhou zahkutsu ikhivetsu momu shikithavetsu.** Alhou zahkutsu ye khiunomu khilemu kilivemla, eno ikhivemla (**Luk 16:17**). (akiphi kichekutsu 6 lo ghi julo, hipau ghili tileno kishekulu ithulunanike)
- B. Aghungu (soul) ye thive chemoe.** Baibel lo "soul eno spirit" ipi akeuye Baibel lo ghuthu 1,000 kutolo tsupuanu, ikemu lakhi lomu aghungu ye thivechemoe ipi tsupuamo. Timi ye thivenikua ke (**Job 4:17**). Jisu no akiniu ide ighimoke kutolo timi khiumu thivechemokeu (immortality) ithulumo nani (**1 Korinthiami 15:51-54**) (akiphi kichekutsu 10 loghi julo)
- C. Axinemi ye lhokta miyizu lo piti anani.** Baibel no kutsupiye akeuno axinemi ye chuyenani (consumed) akuxu kuhave nani. Akuxu (soul eno aphimpi (body) kinikujo kuhavenani. (atuthu eno aphimpi) amino pitive nani (**Mathi 10:28**) lhokta piti achenikeu miyizu (hell) ye Baibel lo kuha (akiphi kichekutsu 11 loghi julo).
- D. Azuloputsukeu Baptiz shikelo aphimpi qhoi azu alou inasu putsukeu (immersion) ye avehu shimove.** Kuchoyehsu no ikhlu akeu zulokuputsu (baptism) ye pesu azu qhou inasu putsuvekeu (immersion) avehu shi ani. (akiphi kichekutsu 9 lo julo)
- E. Sunday no Alhou w akimithe tsalake.** Baibel lo kutsupiye puakeuno Alhou w akimithe tsala ye akutsunini Sabbath ke - Saturday ghili akiphi kichekutsu 7 lo kishekulu phijulo)

Hi ithilo: Kichileu kukutsu hipaqo ghuthu lakhi puluve aye tipauno kubangukeu sughivenani, (kughengu Babylon ipi akeu jeh kuchou ye kubangukeu ipi anike ghenguno). Alhou tsa vethakulu lo iloghinikeu ighono kushokutsupu lakhi shvenanike ti ithilo.

Thonheishi kumsujukepu lakhi ani

Thonheishi kumsujukepu lakhi akeu ye kutomono kiumu kishukulushi kumsu kideju mono mlalei Babylon ji shove acheni. O ghenguno hiye akithe shi aghiluvi, tsutsala tishi aghiaye Alhou vilo kichekutsu khululo (**Mathi 7:7, 8**) Tishieno Kuchoyehsu phujulo (**Apostolmi 17:11**) Ampeu no khilau osasu wunikeno tilau wunike papeni ipi piqhilo. Hiye opelo khilemu kumokeu laghi lo wuvepenishimoke (**Johan 7:17**).

12

Armageddon ghushi lo khiunoqo Ampeu kidiu puthugho nanikea?

Khokichile: Hi ashekhau ghushiqa lo kungugha lo kungumiqo (**Piyekusu 1:13, 14; Mathi 13:41, 42**). Tile Alhou timi akuxu achilishi aghikemi (remnant) qo (**Piyekusu 12:17**). Hipaqono Jisu kidiu sunani. Jisu no kungumi ghushimiqo shou sakipheu shinani (**Piyekusu 19:11-16**) eno Satan eno pa gholo kusumiqo sasu kichighinani. Hile Alhou timi achili (remnant) ipi akemiqo ye Babylon kichileu kukutsu tuchilevekemiqo ke. (akiphi kichekutsu 23 lo ghi julo) Panongu ye (1) Jisu kimiye chekemiqo (**1 Johan 5:2, 3**). (2) Pa shou pulube eno gholu chekemiqoke (**Piyekusu 14:12**). Eno (3) Pa tsa pulu eno Pa zahkutsuqo pape chekemiqo ke (**Piyekusu 12:17; Johan 8:31, 32**).

13

Alhou w kuchou ngo Satan w kichileu kuma dolo kukupuna ashekhau lo Satan suqekithi kupughu ye kiutoi nanikea?

Khokichile: Satan no Alhou eno Pa wu timiqo mithi aghiepinamu pa eno pa ghinimiqo ye akimithemi kungumi eno Khirsitomi amulokutsumi shikeghili shipuzu timiqo pishiqhi ighinani (**2 Korinthiami 11:13-15**). Pa eno pa gholo ighike miqo ye amikuchomi, aghungu kuxu lo xuchekemi ghili shinani, eno Satan no Jisu shike ghilishi ighieno ayeghilomiqo pishiqhinani, tile timi kutomono pa pape wuvenani (**Mathi 24:24**). Paye kiumu lipikeu shimono Baibel lo tsa pinani. Pano aghasaqha lo Jisu ghujukelo Baibel lo ishi yehpuani ipikeu toi pinani (**Mathi 4:1-11**). Satan no iqiphe eno kiqiphekeu ye ighono kije lakhi, tipauno kungumi kikije kuthu gholo kikije lakhi ye pa gholo suveke. Titoi pano Adam ngo Eve pama pishiqhiluve. Titoi azukucho ghulokilo kuxumiqo pano tache thono tinguno alauye qhoi pishiqhiluveke. Titoi ashekha ghulokilo ghi shinani.

14

Tile Alhou ye kiu kishi pughu puatsu anikea?

“Ayezha eno ashepe kiqi lono, tsutsala panonguno hipau tsa kiqi lono picheghimo aye tiye panongu lau akuvu kuhake” (Isaya 8:20).



Khokichile: Alhou ye alhokuthu lo kuchou pesu Satan sasu kichighi acheni. Aghasaqha lo ghujukelo tile Jisu no Kuchoyehsu lo tsa pesu pa khochile (Mathi 4:1-11). Alhou ye Pa w timi achili shi akemiqo vechewono Pa wu kuchouqo pesu Babylon no Baibel lo kuhake kukutsu peitha cheku Ihoayeh kichephetsu ani. Babylon no kichileu tsakiviu peitha eno kutsu akeu kipimi kichephetsu ani (Galatiami 1:8-12). Kichileu kukutsu pesu ayeghiqha lo timi billion pishiqhipe alaizu eno kubangu akemiqo lau ahukikha khaqhi puatsu ani. Alhou no kungumi kuthu tsape vechewono akughutha kije lono ayeghiqha lau kuchou xachilekulu tsape pesu pikulhatsu ani (Piyekusu 14:6-14). (Akiphi kichekutsu 27 lono atsape hipau kishekhavenikeu ghili kichePiyekusu puatsu ani) Akichiqhikepu eno

akhoto tsape hipau vechewono Satan wu pishiqhi eno akimiki kichephetsu ani, eno timiqo vilo Alhou mlla keulo xaide ipeghivelo kutughutsu ani. Baibel lo tsa kuchou lo xaide ighieno aghungu lo kuchou kuxu lo xululo.

15

Alhou no ashekhau tsape tsu akeu lo timiqo shou kiutoi shipithikulu (effective) shi nanikea?

“Hipau thiu lno kungumi kutau lakhi kungugha lono iqighikeu ithulu, paye ayehkipekuka (authority) kije pe cheni, eno pa jukuvu huno ayeghiqha yepuvuluve” (Piyekusu 18:1).

Khokichile: Baibel lo kungumiqo ipi akeu ye atsapemiqo, atsakiviu pesu pikulhatsu akemiqo pi ani (Ibrimi 1:13, 14). Kungumi hipau tsape pesu ashekha ghulokiu Alhou tsape ashekhau pesu ayeghiqha lau ajukuvu kije lono tsu akeu pi ani. Atsakiviu kuvu huno ayeghiqha yepuvuluvenikeu pi ani. Alhou no ashekhau tsape hipau pesu ayeghiqha lau tsu ani (Piyekusu 14:6; Mark 16:15; Mathi 24:14).



**16**

Jisu ye Pa wu timi Babylon lo akemiqo lau ashekhau tsape kiutoikeu tsu anikea?

Khokichile: Pano pi ani, "I w timiqo, li qhiveno ipeghivelo, tishimo aye noye ilo li xine lo kusajeveno li shou pusa ikughiniye akeu lo ilo kitimeveno sake, kughengu li xine ye iku kungugha tovea, eno Alhou ye li xine kipimiqo kusumuluveake" (**Piyekusu 18:4, 5**). Jisu no Babylon lo akemi timiqo pesu Pa wu tiumiqo ipi ku ani. Babylon lo Khristomi million kumzapu no ishi hi ashekhau tsape ayeghiqha lau kutughutsu akeu chimla aphi. Timi hipaqo ye aqiqheu lono Ampeu kimiye chekemiqoke, Jisu no timi hipaqo vilo "I wu timiqo" li qhiveno ipeghivelo ipi ku ani.

17

Babylon lo Jisu kimiye chekemi Khristomiqo ye atsape hipau khochile eno ipeghive nanikema?

Khokichile: Jisu no pi, "Aloji hipau lo kuhakeu bheri kutomo ashou chephi; Ni ye wuno tipaqo ku sasu ighivemayesa, panongu ye l tsa chilunani, eno ighieno aloji lakhi lo kuqhaluvenani, eno bheri kheu lakhi shive nani: I wu bheriqo ye l tsa chilunani, lno panongu ithi ani, panongu ye l pape ighivenani" (**Johan 10:16, 27**). Jisu ye Babylon lo Pa wu timi akeqo ithi ani. Babylon puhavemphi zuuno panongu kupheluve mayesa ipi ani. Jisu no hile ajukuvupu tsa lakhi piqhi puakeuno, Babylon lo Pa wu timi akemiqo ye Pa sutsa injunani, eno panonguno Pa sutsa michilunani eno Pa lau ighivenani.

Hi ithilo: Piyekusu 14:6-14 lo kungumi kuthu tsape tsu akeu akiphi kichekutsu hipauno ashekichi akutsuniu lo cheni. Hipau shelo phiwokolono ashekha ghuloki lo Alhou kukuhou ghili phiLuklono hipau shelo kiu shi ipeghinanikeno ithilunani.

**18**

Tsutsala ishi nono Babylon lo aghiaye Jisu no itehi ovilo mtazu ipeghivelo ipi ku akeu ikhilunishi anima?

Nono khochilenikeu:

Nono Inju Keu Khochiletsu Ani

1. Niye ipeghimono tishi Babylon lo ngove puzu li shikithetsunikeu ye shimla nani keshea?

Khokichile: Tishi mlae. Kughengu Jisu no pi akeuno, Babylon ye kutsave nani, tipau ye shikithenikeu kumo, li ye li ji (wine) shomuzuve puzu li kukutsu ye kichileu ipi kumsupheluveake (**Piyekusu 18:2-6**). Hipau kiqi ghenguno Jisu no Pa wu timiqo vilo li qhiveno ipeghivelo ku ani (**Piyekusu 18:4**).

2. Kipelau kukamiqo ye khiunoqo kea? (**Piyekusu 16:12**)

Khokichile: Kipelau kukamiqo ye kungugha lo (Apuh eno Anu) Pama. Panongu pesu kipelau kukamiqo ipi kuchen. Kungumiqono kipelau kidiuno ayeghi lo ighicheni. Hile akiqi hami kichetsu ani:

- A. Jisu no ide ighinikelo kipelau ighinani (**Mathi 24:27**).
- B. Alhou jukuvu ye kipelau ighi (**Ezekel 43:2**)
- C. Piyekusu lo amichipu chishinikeu kungumi ye kipelau ighinani (**Piyekusu 7:2**).
- D. Khetsunhe kiqi ye Jisu, kipelau ipeghi cheni (**Malaki 4:2**).

3. Babylon ikiqiveni chenepi kutughutsu akeu kiqi ye Babylon ye alhokuthu lo ikiqichemo keshea?

Khokichile: Iye. Itehi Babylon shi akeu lo akukuhou kutomo kuqhape ani. Wovekeu loye hipau ye ighono akumto eno akiqheu lono Jisu gholu che. Kuchou pesu pano kupulu boqha shieno pano kukuhou puthupuacheke. Ishi akukuhou kumtsu ye ikiqimphi. Khuno khuno kukuhou shi aghie pinamu kughou panonguno Mother Church wu kichileu kukutsu ikhiluvono li pape cheghi aye tiye ikiqivekeu li ngaqo (her daughters) shiveake. Azano ikiqive aye angaqa ghi ikiqivenanike.

4. Babylon lono kupheluvekemi Khristomiqo ye khile wunanikea?

Khokichile: Timi khunoqono Alhou zahkutsu pape chenikeno tipaqo phujulo, panongu ye Jisu kupulu eno Jisu shepe pechehinani. Panongu ye kungumi kuthu tsape pesu ayeghiqha lau pikulhatsu cheghinani (**Piyekusu 14:6-12**), panongu gholo ilo kuqhalo. (Hipau ghili itaghi akiphi kichekutsu 23 lo phijulo).

5. **Piyekusu 17:2-16** lo kukami 10 qoye kiu mlanikeu kiqikea?

Khokichile: Kukami 10 kiqi ye ayeghiqha lo shiyehqo kiqike. Danel 2 lo apukhuloti 10, Danel 7 lo raigos kibo 10 kiqiye Europe lo akukaghaqo kiqitsu ani. Piyekusu 11 lono wo 18 kutolo ayeghiqha lo kukamiqo momu shiyehqo kiqitsu ani. (**Piyekusu 16:14; 18:3 loghi julo**)

6. **Piyekusu 16:13, 14** lo achui (frogs) qo ye kiu kiqikea?

Khokichile: Achui (frog) lakhi ye pano chunikeu lhoux hu pa milino chijeluve momu kughaluvono tipau chuve cheni, tipau kiqiye ishi ayeghiqha lo timiqo no amili jeli lono pilukeu ghokutsu pe akeu, shikeghili shi akeu, hipau kumlano ishi ayeghi nhachi ani. Hi kumsululo, amichipu eno akumzapu kumla shikeqo gholo hi amili kithe lono pi aniepi akeu ighono akhotoshi ani, hipau pesu thosulo shiipeghi chemokeu kuka ipi ani. Ikemu Baibel lono ningu vilo pi akeuno thosulo shi ipeghi chemokeu kuka hipauye Alhou lau likhino shi ipeghinani, tishimoaye Satan no shinani. Satan no akuvu lo kungumi lakhi shikeghili shinani (**2 Korinthiami 11:14**) amichipu eno akumzapu kumla kije shipiyesu puzu ayeghiqha pishiqhiluvono panongu pelo pa papesu ighivepe nani

(Piyekusu 13:3) Ishi doloye pano amili jeli lono pikeu ghokutsu pekeghilishi ani, akukuhouqo eno Achine jeliqo pekuqhape lakhi shiliuvenikeu lo sachen, tipaqo gholo Alhoukumthami pagan miqo ghi sukuqha ani. Kumtsuno hi amilijeli lono pi akeu (authenticity) ye kuchouke ipi phuphetsu ani.

Ninguye aghunguqo thejumayesa

Baibel no ningu vilo aghunguqo thejulo ipi kutughutsu ani **(1 Johan 4:1)**. Tsutsala panongu kukutsuno Baibel kukutsu sasu ahiphi eno athoshi aghimove aye panongu ye kichileuke. Kuchou shikeghilishi anikethono kuchou kumoke **(Isaya 8:19, 20)**. Hi ithilo, Akimithe Ghungu ye khilemu ithithai Alhou gholumono chekemi pelo amili jeli lono piLuketu kuka gho tsumonani **(Apostolmi 5:32)**. Akhopemiqo no Khristo kukuhou puthuke ghulokilo panongu ye Akimithe Ghungu no chhitoive, eno Aghungu no panongu vilo pilo pikeu toi panonguno amili jeli lono pikelo tile kuho ighi akemiqo kumtsuno akichiqhive eno akumzave **(Apostolmi 2:4-12)**. Ayeghi do aghuloki kikikshekha lo tsutsala Alhou no peithakepu vehu shive aye Pa wu timiqo akuka tsuno panongu pelo amili jeli lono atsakivi pikulhatsupe nani. Pentecost tsala lo hipau avehu shive, kughengu ahoho tipau lo ayeghiqha lo atsajeli 17 ighi kuho ani, eno akhopemiqo ye tipaqo kumtsu tsa lono pimlave, tighenguno panongu pelo amili jeli lono timiqo vilo pilukepu kuka tsu, eno kuchouno timiqo ye pututa tsa lono pikeu chilu.

7. Akivi ngo alhokusa kuma dolo ashekha kupunake ghuloki lo New Age Movement lo hitoikeu akhotoshi peitha nani keshea?


Khokichile: Hile lipi akepu kiumu kuha! Hipau lo Occult, psychic phenomena, eno spiritism no ighono akumtoshi kuqhape ani. Spiritism-aghunguqo sasu kusutsa chekeu kupulu hipau no ayeghi ashekha shivenikeu kukupuna lo akhotoshi ilo chhosunani. Thosulo shi ipeghi chemokeu kuka (supernatural power) pesu ilo amili jeli lono pikeu ghokutsu gholono akukuhouqo gholo supuzu ayeghi do aghuloki ashekha shivenikeu kukupuna lo iloghinani The New Age kupulu lo aghunguqo sasu kusutsa akeuye khaghi ghulokilo Alhoukumthami kupulu (paganism) huno aphimini kithe pepu puzu thonodi (incarnation) shi iloghi anike. Akupulu hipau ye Eden lo Satan no Eve vilo “noye khilemo thimoe” **(Bothubo 3:4)** ipikeu lono timi ye thivepimu pa ghungu ye khilemu thive chemoe ipi puluuveke. (Akhipi kichekutsu 10 lo julo).

8. Hile Alhou no Khristo ghumi pope yehkipe ghili mutsumishei pephe Piyekusuvea. Danel 7 lo, eno Piyekusu 13:17, 18 lono kichepiyesuvea. Khristo ghumi ghili Kuchoyesu kutau loghi tsupuanike shea?

Khokichile: Iye. Khristo ghumi tughashi kuka ghili tungkuputsa kutau toku lo tsupuan. Puloshohqi Aqau eno Akitheu kinikujo lo tsupuan; **Danel 7, Danel 8, Danel 9, eno Piyekusu 12, Piyekusu 13, Piyekusu 16, Piyekusu 17, Piyekusukusiu 18, eno Piyekusu 19 lo tsupuan.** Alhou ye ningu pelo hipaqo ghili Pa vilo injipenishi ani.

9. Satan kukaqha ye Babel shikikishe ki lono huthu puzu Babylon ipi ku ighiveake shea?

Khokichile: Kumoe. Hipau huthukeu ye kungugha lo Satan no Alhou hebidekeu lono huthuvea. Isaya tungkupuu no Lucifer pesu Babylon lo akukau ipi ku **(Isaya 14:4, 12-15)** Axine hukuthu lono Alhou no Satan kukaqha pesu Babylon shivetsu. Satan no Alhou kukaqha ikhiqhive puzu pa kukaqha puthuvenikeu kimiji shiju. Jisu no tile alaghi kini akeu ghili pipuan **(Mathi 7:13, 14)**. Ashekha ghuloki lo ayeghi lo timi luthu lakhiye Jisu laumi



shinikeo Babylon laumi shinikeno kishelupenani. Hipauno akuxupu maye akithipu kishekulu shinani. Jisu kishelu aye akuxupu, Babylon kishelu aye akithipu. Hi kishelu eno xathalunikeu do ye ikholhoi tsunani. Tighengu no ishi hi Babylon no kichileu kumla shi akeu ghili kiche piyetsu akeu ye ighono akhoto shi ani. Atsape hipau pesu itheno mighimughai ayeghiqha lau tsuvemente sakepu avehu shi ani.

10. **Piyekusu 16:12** lo Euphrates ghoki qhai shiveno kipelau kukamiqo pelo iloghivepe ipi akeu kiqi ye kiu kea?

Khokichile: Khaghi lo Euphrates ghoki ye Babylon phughi mta lono qouche. Babylon phughi leluvenike ghenguno Mediam general Darius no pa wu ghushimiyo sasu aqo kije chhuve, eno Euphrates ghoki zu tile xulesuve puzu ilo Babylon phughi leluxe. Piyekusu lo tungkuputsa lo azu ipikeu kiqiye timi aqokitikhi kumzapu kughuna akeu kiqitsu ani (**Piyekusu 17:15**). Hipau kiqi lono Euphrates ghoki zu pesu Babylon akijeu papemiyo kiqitsu ani. Babylon papemiyo no panongu kukuphu Babylon launo suchileluxe eno Babylon kutsavenike kumsuvekeu kiqitsu ani (**Piyekusu 17:16**).

Hilehi okukumsu eno injuakeu pitsulou



15



16



17



18



19



20



21



22



23



24



25



26



27

Akhiphi kichekutsu hipau ghi akhiphi 27 gholo lakhike.

Akhiphi kumtsu lo akumzapu kuchougo no chhitoi ani, hipauno no eno no kibolomiyo kuxu pekilivetsukulupu anike. Akhiphi lakhimu vezuve kevalo.

- Akhiphi kichekutsu 15:** Khiuno Khristo ghumikea?
- Akhiphi kichekutsu 16:** Aqha lono kungumi tsapeqo
- Akhiphi kichekutsu 17:** Alhou no akupughuqo shi
- Akhiphi kichekutsu 18:** Ado achipi lono! Tungkupu sukusu piyetsu
- Akhiphi kichekutsu 19:** Ashekhau kughathabenikeu
- Akhiphi kichekutsu 20:** Tughashi michipu
- Akhiphi kichekutsu 21:** Baibel Tungkuputsa lo USA
- Akhiphi kichekutsu 22:** "Totimi" kutau lakhi
- Akhiphi kichekutsu 23:** Khristo nipu-kulaliu
- Akhiphi kichekutsu 24:** Alhou ye ayepukighithimi eno akuka kutau pe akemiyo lau muzusutsu keshea?
- Akhiphi kichekutsu 25:** Ningu ye kuchouno Alhou shou pukhu anima?
- Akhiphi kichekutsu 26:** Kikimiye huno pekilivetsu
- Akhiphi kichekutsu 27:** Ide ighima

Noye niu Akhiphi Kichekutsu-u 14 ithuluvama? Ithulu mono aghi aye, akiyeh tsilo:
Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishékha mphí zuwuno akíphi phijulou. Khokichile kumtsu akíphi kichékutsu lono ithulunani. Chejuno achípiu khokichile lo sutsulo. **Akíkihi parentheses lo piyepuakeu (1) no khokichile achípiu ke.**

Form tipau pichivenikeu ghenguno kimíye pu “*Adobe Reader*” peithalo.

1) Babylon ipikeu tsa kiquye kiukea? (1)

Kubangukeu
Hebidekeu
Pishihiikeu

2) Baibel tungkuputsa lo Mother Babylon ipi akeu kiqu ye kiu kea? (1)

United Nation ke
Pope yehkipe ke
Jisu paza Mary ke

3) Mother Babylon ngaqo ye khunoqo kea? (1)

Muloshohqi Akitheu lo Priscilla, Elizabeth eno Dorcas noqo ke
Europe lo kukamiqo ke
Akukuhou khunoqono Babylon w
kichileu kukutsu eno kumla kughutha
papechekemiqoke

4) Mother Babylon no huchuikeu tughashi shou iqa akeu kiquye kiu kea? (1)

Akukuhou khikhi state Govt.no qhasupe
ngono kuphutsu akeu
Totimi khiunoqono tughashi akivishi qophe
saphe chekemiqo
Totimiqo ye ikuchenike thono alachekeu ye
shichemo

5) Babylon kichileu kukutsuno aghungu lo timiqo shikubanguve ipikeu ye kiu kiquke? (4)

Kulakupu shikimithetsu ipikeu
Kithimi ye zu ani ipikeu
Axinemi ye amiyizulono alhokuthu piti anani
ipikeu
Alhou kimithe tsala toi Sunday pinyi keu
Aghungu (spirit momu soul) ye thive chemo
ipikeu
Baptiz shikelo azu alou pesu putsukeu
Alhou yehza xavetsu momu ikhivetsukeu

6) Babylon ye ikiqivea ipikeu ye (1)

Kungugha lono kungumi ikiqivekeu
Ayeghi kughutha no Babylon suleqhivekeu
Mother church-akukuhouqo paza eno
akukuhou khunoqono li wu kichileu kukutsu
ikhiluvekeno tipaqoye Baibel Kuchou launo
ikiqive eno Kuchou Lhou mllamovekeu

7) Kiyethi (alphabet) pesu amchipu zuu bokutha atughui lo sulo bokutha akinu lo tipau kiqu ani (kichekipiye julo): (9)

Kichekipiye

Akiqu atho

- | | |
|--|---|
| A. Totimi (woman) | Jisu eno Pa Puh |
| B. Azu (water) | kichileu kukutsu
timiqo shikubangu keu |
| C. Tughashi (beast) | Satan no paganism
vechewono |
| D. Kipelau kukamiqo | A Akukuhou |
| E. Kichileu tungkupu
akumla shikeu | atsapemi momu atsape |
| F. Babylon ji (wine) | Political kuka momu kukaqha |
| G. Kukami chighi | timiqo/timi lhoxuqo |
| H. Dragon | Alaizuvekeu Protestantism |
| I. Kungumi | America no amta shi ani |
| J. Babylon | kubanguke
ayeghiqha lo shiyehqo |

8) Euphrates ghoki zu qhaivekeu kiqu ye kiu kea? (1)

Ashekha tsalaqo lo ayeghi lo azu hauenikeu
kiqu
Ado-kishékha lo achuqupu puu tsumonikeu
kiqu
Babylon no pa papemiqo launo akukuphu
ithulumovenikeu kiqu

- 9) **Babylon ye abolomi lakhike ghenguno Achine eno akukouhouqo sunhenkuqhape ani (1)**
 Iye Moe
- 10) **Kuchouno Khiuno Babylon launo Pa w timiqo kuphe anikea? (1)**
 Kungumiqo no
 Kukami chighiqono
 Lucifer no
 Jisu no
- 11) **Ikiqivekeu kukuhou kupheluvekepu zuqhu lo tileno tishi panongu mulopebidevetsu keu pavimoni keshea? (1)**
 Iye Moe
- 12) **Babylon ji (wine) shomuzuve ipikeu kiqi ye kiu kea? (1)**
 Akuputsuji (alcohol) shomuzuvekeu
 Li ghulhu lo ilo kusajeu
 Aphimpi hipau no shilusavekeu
 Li w kichileu kukutsui lo kubanguvekeu
- 13) **Ado kikishekha lo akuka kuthuno Jisu eno Pa w timiqo sasu kichighinani ipi akeuye kiu pi anikea? (3)**
 Khristokumomiqo chineh pi anike
 United Nations pi anike
 Alaizuvekeu Protestants miqo pi anike
 Aqha (space) lo timiqo pi anike
 Pope yehkipe pi anike
- 14) **Kughou Jisu no Babylon lo Pa wu timiqo kuphekelo panonguye alokivishi pai ipeghive nanikeshea? (1)**
 Iye Moe
- 15) **Babylon lo timi kutomo anikemu panonguye hipau ghiliye ithiamoe (1)**
 Iye Moe
- 16) **Tsutsala nono Babylon lo aghiaye Jisu no ovilo mtazu ipeghivelopi oku keu noye ikhilunikeo mokea?**
 Iye Moe

Kungu inju puakeqo achipilo khochile tsulo!



India



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>		
Owu Email :	<input type="text"/>		
Thepiu kikihi :	<input type="text"/>		
Okungo-a :	<input type="text"/>		
Aphugui, District :	State :	Aghaqhu :	<input type="text"/>
Pin :	Apunu mpe amqo:	Gender :	<input type="text"/>

Anile shi no kusutsa nikeu tipau tsulou